



UNIVERSITÄTS-
BIBLIOTHEK
PADERBORN

**BREVIS|| INSTRVCTIO|| AD CORROBORAN-||DOS AC
IVVANDOS MO-||RITVROS, EOS PRAESERTIM|| qui ob
flagitia sua, publica Iudi-||cum sententia morti ad-||dicti
sunt:||**

Isella, Francesco

Coloniae Agrippinae, 1588

VD16 I 344

Articulus XVIII.

[urn:nbn:de:hbz:466:1-60044](https://nbn-resolving.org/urn:nbn:de:hbz:466:1-60044)

82 INSTRUCTIO AD

continentiam, aliasque virtutes eorum: per amorem quoque erga communē Dominum, vt dignentur sibi impetrare, vt durum hoc iter possit in gratia Dei conficere: iuuentque nunc non aliter, quàm ipsi iuuari cupiebant in simili necessitate constituti, cū adhuc in terris versabantur: vt denique copiosis suis meritis sua tegere flagitia non dedignentur.

Qui sancti
potissimum
precandi,

Præter hanc generalem inuocationem, poterit etiam inuocare quosdam particulares Sanctos, quos in vita semper coluit; aut quorum nomen refert; Sanctos etiam patriæ suæ, aut loci in quo morietur, tutelares. potissimum autem eius habere debet rationem, cuius festum colitur eo die, quo ad iustitiæ satisfaciendum procedit: habent enim Sancti specialem quandam efficaciam impetrandi hominibus gratiam eo die, quo festiuitas eorum in Ecclesia celebratur. & non est dies in anno, cui in Martyrologio varij Sancti assignati non sunt.

Articulus XVIII.

Ad maiorem captiui consolationem, poterunt etiam Fratres polliceri,

xi,

IVVANDOS MORIENTES. 83

ri, præter orationes Sanctorum, qui ^{Suffragia venientium.} sunt in cælo, commune subsidium CHRISTI fidelium, adhuc in terris militantium. dicant, omnes hos quoque pro illo precari: promittant etiam ipsi, se idem facturos, & per alios quoque fieri curaturos: quodque post mortem legent, aut legi facient aliquot Missas, in eius commendationem, seu commemorationem: aut aliud aliquid facturos, quo animæ ex Purgatorio liberantur. Hic recenseri possunt exempla quædam eorum, qui subsidio Missæ ex Purgatorio liberati sunt.

Promittant etiam se illum adiutores, legendis certis salutationibus Angelicis, ad certa grana, pro suffragijs ^{Grana benedictæ.} defunctorum benedicta: eique dent vnum ex granis illis, vt illud secum ferens, dicensq; vel ore, vel corde; Iesu, plenariam consequatur Indulgentiam, quæ in mortis articulo dari cõsuevit. Doceant illum quid facere debeat, vt eam consequatur; eique exponant, quid, & quanti momenti plenaria hæc est Indulgentia: addant etiam quàm immensa est Domini clementia, qui nunquam satiatur cõcedendis
medi-

84 INSTRUCTIO AD

Fundamen-
tum indul-
gentiarum.

medijs, quibus peccatorum impetra-
tur remissio. Quare videns nos infini-
ta tantarum culparum reddere non
posse debita, tanquam liberalis Do-
minus incomparabilē, inexhaustum-
que sacratissimæ passionis suæ aperu-
it thesaurum, vt inde nobis accipere-
mus omnia, quibus in soluendis de-
bitis opus esset: prouidit etiam nobis
de meritis Sanctorum, qui suis bonis
operibus plurima meruerunt, & vltra
debita sua supererogarunt. Omnia
autem hæc merita, omnesque supere-
rogationes, cū infinito merito Chri-
sti, simul in thesaurum Ecclesiæ sunt
illata: cui præest Sanctissimus eius Vi-
carius, erogans ea quoties concedit
indulgentias.

Dominica
passio legen-
da.

Hinc captabit damnatus occasio-
nem gratias agendi Domino, & om-
nibus Sanctis eius, quod ipsum tantis
gratijs dignum facere voluerūt. De-
inde Confessarius & Fratres, vt con-
firmant suas promissiones, quibus
pollicebantur se velle Deum pro ipso
deprecari, recitent Litanias. Licebit
etiam paulatim Dominicam legere
Passionem, aut alias orationes pro af-
flictis; vel nonnullas ex ijs, quæ in Cō-
menda-

IVVANDOS MORIENTES. 85

mendationibus animarum reperiuntur. Vtile quoque erit nonnunquam specialem dicere rei & tempori accommodatam; idque idiomate vulgari, si damnatus sit idiota.

Præter consolationes spirituales etiam consolentur captiuum temporaliter, si sit necesse. Promittent igitur Fratres, se parentum, filiorum, fratrum, amicorum, cognatorumque illius curam suscepturos: potissimum autem honori & pudicitiae vxoris, sororum, & filiarum consulturos; quodque in necessitatibus eorum, quantam poterunt, illis opem ferent. Studeant autem Fratres id omne postea re ipsa præstare; ne fides eorum periclitetur in posterum, cum alios iterum consolabuntur.

Temporalis
consolatio.

Articulus XIX.

Omnibus his peractis Confessarius & Fratres diligenter aduigilent, ut considerent, qua in re Diabolus maxime poterit captiuum oppugnare; nec securi sint, etiamsi ille se in manus Domini resignauerit: poterit enim Diabolus singulis penè momentis illi ipsi illudere. ideo necesse est eos non stare otiosos, aut oscitantes esse; sed instent.

Contra temptationes
Dæmonis quemodo
muniendus.